

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-28870/23  
Sarajevo, 05.02.2024. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

## ODLUKU

### Instalacija ventilacionog sistema u poslovnom prostoru Nurije Pozderca broj 10

#### I

Prihvata se preporuka Komisije za javnu nabavku radova i ugovor u postupku javne nabavke - Instalacija ventilacionog sistema u poslovnom prostoru Nurije Pozderca broj 10, broj obavještenja 422-7-3-2-3-16/24, objavljeno na Portalu javnih nabavki dana 19.01.2024. godine i “Službenom glasniku BiH- Oglasnik javne nabavke” br.6/24, dodjeljuje se ponuđaču „Clima-Trande” d.o.o. Sarajevo sa ponudom u iznosu od 24.997,10 bez PDV-a, odnosno 29.246,61 KM sa PDV-om.

#### II

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

#### III

Konstatuje se da je ponuđač iz člana I ove Odluke dostavio dokumentaciju traženu tačkom 3.1.3. koja se odnosi na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost, te se oslobađa naknadnog dostavljanja iste.

### Obrazloženje

Odlukom broj Odlukom broj 02/12-19-28870/23 od 28.12.2023.godine Općina Novi Grad Sarajevo pokrenula je konkurentski postupak javne nabavke - Instalacija ventilacionog sistema u poslovnom prostoru Nurije Pozderca broj 10, broj obavještenja 422-7-3-2-3-16/24, objavljeno na Portalu javnih nabavki dana 19.01.2024. godine i “Službenom glasniku BiH- Oglasnik javne nabavke” br.6/24.

Zapisnikom o otvaranju ponuda od 30.01.2024. godine Komisija je konstatovala su u predviđenom roku, u propisno upakovanim kovčercima, pristigle dvije (2) ponude ponuđača:

1. „CLIMA-TRADE“ d.o.o. Sarajevo
2. “PRUNUS” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuda ponuđača „PRUNUS“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 4.1. – Priprema ponuda gdje stoji da su *ponuđači obavezni da pripreme ponude u skladu sa uslovima koji su utvrđeni u ovoj tenderskoj dokumentaciji. Ponude koje nisu u skladu sa ovom tenderskom dokumentacijom će biti odbačene kao neprihvatljive, sve u skladu sa članom 68.Zakona i tačkom 3.1.1. tenderske*

dokumentacije i tačke 4.4. cijena ponude – 4.4.1. Ponuđač treba popuniti obrazac za ponudu i obrazac za cijenu ponude koji se nalaze u prilogu tenderske dokumentacije u skladu sa svim podacima koji su definisani u Aneksima 2, i 3. Uvidom u dostavljenu ponudu ustanovljeno je da ponuđač u sklopu svoje ponude nije dostavio „**Obrazac za ponudu Aneks 2**“ (izjava ponuđača) koja je sastavni dio Aneksa 2 (strana 17. tenderske dokumentacije). Na predmetnoj stranici obrasca je predviđen potpis i pečat ovlaštenog lica ponuđača kako bi se verificovala ukupna cijena ponude. Dakle ponuđač nije dostavio kompletan obrazac za ponudu Aneks 2, što je bio obavezan učiniti u skladu sa zahtjevima iz tenderske dokumentacije te Komisija nije mogla izvršiti računsku kontrolu obzirom da u dostavljenoj ponudi nedostaje iznos PDV-a i ukupna cijena za ugovor.

Iz naprijed navedenih razloga utvrđeno je da je ponuda ponuđača „PRUNUS“ d.o.o. Sarajevo ne ispunjava uslove tražene u tenderskoj dokumentaciji iz tačke 4.4. priprema ponuda i tačke 4.4.1. cijena ponude, te je ponuda odbačna shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni dokumentacije preostale ponude te konstatovala da dostavljena ponuda ponuđača „Clima-Trade“ d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu te konstatovala da je ponuda računski ispravna.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 4. stav (2) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 64. Zakona o javnim nabavkama BiH.

Shodno naprijed navedenom Komisija je donijela preporuku za zaključenje ugovora za predmetnu nabavku sa ponuđačem „Clima-Trade“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**


Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 5 (pet) dana prijema Odluke. Žalba se podnosi u pisanoj formi u dovoljnom broju primjercaka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije



#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova



Općinski načelnik

mr. Senko Efendić

